

Кузь нэм да бур шуд!



Эжва йывлөн слава

Галина Александровна Кичун

Чужис 1954 вося июнь 28 лунё Носимын. Помалис И.А.Куратов нима педучилище да 1973 восянь босьтчис уджавны Зимстанса шөр школаын пионервожатойён. Коми пединститут помалом борын велөдö роч кыв да литература, 1987 восянь тшöтши и школаса директор.

Верöсыскöд быдтис да велöдис кык челядьöс.

Бур уджысь сетисны Российской Федерациялөн общöй образованиеса почётной уджалысьлысь ним, «Коми республика водзын заслугаясьы» пас, республикаса велöдан министерстволысь почёт грамота.

Олö Зимстанын.



Звезда

Эжва йывса войтырлөн газет

Петö 1929 восянь

Субöта, 2011 вося апрель 30 лун 52-53 (10328)-öд №

Збой да
ён йöзкöд
кöть гöра
путькыльтан

(коми шусьöг)

ТÖДÖЙ, МЫЙ ВЫЛЫС

ШЕДÖДИСНЫ МÖД МЕСТА

Юркарын куим лун мунис Лунвыв электрической сетьяслөн удж серти сямлун кузя конкурс.

Вöли 9 котыр. Электросетьяслөн Куломдин районьсь петкöдчисны М.А.Попов, В.А.Кипрушев да Н.М.Сенькин. Кöть петкöдчисны медводдзаысь, шедöдисны мöд места, мыйысь вичмисны почёт грамота, «Штиль» бензопила да ключьяс чукöр.

КОЗЬНАЛИС «КОЗИН»

Керчомъяысь челядьлөн «Козин» сылан котыр дорйис «Образцовой» ним.

Такöд йитöддын Наталья Траилиналөн юрнуöдм улын челядь дасйтисны да петкöдлисны сиктса культура керкаын ыджыд концерт. Видзöдны волисны эз сöмын сиктсеяс, но и Куломдинысь культура юкөнса уджалысьяс да райсоветса депутат А.М.Тарабукин. Борьяыс вичмöдис козин.

ВИЧМÖДИС ПОБЕДАЛЫ

Миян районкöд творческой йитöдгяс важысянь кутö Койгортса композитор Марк Новосёлов.

Сийö бура тöдса кызди районса композиторьяскöд, сидзи и поэтьяскöд. Быд во петкöдчö асла сьланкывийөн öнiя выль коми сьланкывьяслөн «Василей» фестиваль вылын, кодi мунö Куломдинын. Пример вылö, таво босьтис коймöд места.

Медся топыдöсь йитöдгяс поэт Василий Лодыгинкöд. Дзик на неважөн гижис сьлөн кывьяс вылö «Ура! Победа» сьланкыв. «Парма гор» газет нотаясөн и текстөн сийöс йöзöдас Победа лунлы сиём номерын.

ГАЖÖДАСНЫ ВЫЛЬ КЛУБЫН

Диасёръяса олысьясöс таво медводдзаысь Победа лунö гажöдасны выль клубын.

Май 9 лунö асывнас Айму дорйигөн усьöмаяслы памятник дорын лоö митинг. Сы вылын казтьштасны Рöдина дорйысьясöс, салдат дöваясöс да тылса уджалысьясöс да пунктасны ловья дзоридзьяс. Сы борын клубын лоö ыджыд концерт.

ПУТЁВКАЯС СЕРТИ

Во заводитчöмянь «Финлескомлөн» Верхне-Вычегодской филиалысь дас морт шойчис да ёнмöдис дзоньвидзалунсö СЛПК-лөн профилакторийын.

Тайö жö котырсьыс локтан гожöмын путевкаяс серти 14 морт ветлас лунвыв саридз дорö - Сочийö да Анапайö. На пиысь витыс челядь, кодьяс мунасны бать-мамыскöд. Квайт челядь шойчасны республикаса «Орлёнок» лагерын.

ПЕЛЬКÖДЧÖНЫ РУЧЫН

Уджтöмалысьяс пелькöдöны Руч сикт.

Найö поткöдлисны да тэчисны детсадлы пес, пелькöдисны стройба гөгöр. Му шупалöм борын вöчасны мукöд уджьяс.

Асланым да общ. корреспондентьяс.

МАЙ 1 ЛУН - ТУЛЫСЛÖН ДА УДЖЛÖН ПРАЗДНИК



Майбырöй дай тулысöй - ловнымöс кыпöдысьöй!

Снимок Галина НЕСТЕРОВАЛÖН.

ЧОЛÖМАЛÖМЪЯС

Коми республикаса пыдди пунктана олысьяс!

Сьёлöмянь чолöмалам тiянос тулыслөн да уджлөн лунöн!

Сёсысь дырджык во пасйöмөн, Первомай лоис збыльвылö йöзлөн радейтана праздникөн, öд тулыс - вөр-валөн ловзян да дзоридзалан кад, а удж сайын миян госуларстволөн тыр бура олөм да сöвмөм. Буретш та вöсна миян пиысь ставлы май 1 лун кольö бур вöчöмлөн да водзö сöвмөмлөн, öтувья-лунлөн да бур кöсиймьяслөн пасөн.

Коми республикаын öтсöгласөн, öта-мöдöс гөгöрвоёмөн уна нацияса да асланыс Енлы эскысь йöз, и на пиысь быдөн пунктö республика сöвмөдöмö ассысь пай.

Торья аттö да пыдди пунктöм ветераньяслы налөн кыпыд уджысь, ставсьыс, мый вöчисны найö республикас сöвмөдöм да сөнi судзьяна олөм лöсьöдöм вöсна.

Дона асмувывсаяс, вай жö ог янöдöй воддза кадсö, вай жö öтув уджалам аския лун вылö, медым нималис да сöвмис миян Айму.

Республикаса став олысьлы сиаем ён дзоньвидзалун да шуд, уджын да быдтор вöчöмын вермөмгяс! Мир да судзьяна олөм!

Коми республикаса юралысь.
Коми республикаса Государственной Сöвет.
Коми республикаса правительство.

Куломдин районса пыдди пунктана олысьяс!

Сьёлöмянь чолöмалам тiянос тулыслөн да уджлөн праздникөн!

Тайö луныс лоö миянлы Аймуным-лөн ыджыд вынйöр, став народьяслөн öтувьялун йылысь пасөн.

Куломдин районса войтыр нималöны бура, став вын сетöмөн уджаломөн! Та вöсна эм эскөм, мый став мөвпыштöмаыс пöртсеяс олөмö, ас чужан му лоö медся ён да сöвмысь районьясысь öтиөн.

Став сьёлöмянь сиаем тiянлы ён дзоньвидзалун, семьяын шуда да судзьяна олөм, быдторийын вермөм, медым сöвмис миян Куломдин район.

«Куломдин» муниципальной районса юралысь - районса администрацияөн

веськöдлысь
Д.А.ШАТОХИН.

«Куломдин» муниципальной районлөн Сöветса председатель
А.Н.КОНДРАШКИН.